

最新

初等小學女子國文教科書

第八冊

初等女學堂用書

初等小學女子
國文教科書

上海會文學校出版

初等女子國文教科書 第八冊目次

第一課

婦行 後漢書

第二課

大任胎教 列女傳

第三課

外戚世家序 史記

第四課

晏子御妻 史記

第五課

楚野辨女 列女傳

第六課

齊女徐吾 列女傳

第七課

齊太倉女 列女傳

第八課

師說 昌黎集

第九課

獲麟解 昌黎集

第十課

趙威后問齊使

國策

第十一課

觸詈說趙太后

國策

第十二課

續前

第十三課

介之推不言祿

左傳

第十四課

逍遙遊

莊子

第十五課

春夜宴桃李園序

李太白集

第十六課

桃花源記

陶淵明集

第十七課

續前

第十八課

敬姜論勞逸

國語

第十九課

京師節女

列女傳

第二十課

魯義姑姊 列女傳

第二十一課

顏觸說齊王 國策

第二十二課

續前

第二十三課

日喻 蘇子瞻文集

第二十四課

雜說四 昌黎集

第二十五課

齊義繼母 列女傳

第二十六課

魏芭慈母 列女傳

第二十七課

鄒忌諷齊王納諫 國策

第二十八課

續前

第二十九課

淳于髡說齊威王 國策

第三十課

淳于髡說齊王止伐魏 國策

第三十一課

蘇厲為周說白起 國策

第三十二課

蘇代止孟嘗君入秦 國策

第三十三課

蔡人之妻 列女傳

第三十四課

晉羊叔姬 列女傳

第三十五課

莊辛說襄王 國策

第三十六課

續前

第三十七課

陳軫為齊說昭陽 國策

第三十八課

楚江乙母 列女傳

第三十九課

續前

第四十課

喜雨亭記 蘇軾集

第四十一課

續前

第四十二課

木假山記 蘇洵集

第四十三課

續前

第四十四課

瀧岡阡表 歐陽修集

第四十五課

續前

第四十六課

原君 明夷待訪錄

第四十七課

續前

第四十八課

原臣 明夷待訪錄

第四十九課

男女婚媾自由論 文變

第五十課

續前

第五十一課

陶節婦傳

歸熙甫集

第五十二課

續前

第五十三課

來孝女傳

姚石甫集

第五十四課

羅蘭夫人傳

第五十五課

批茶女士傳

第五十六課

續前

第五十七課

南丁格爾傳

第五十八課

續前

第五十九課

扶蘭志斯傳

第六十課

續前

初等女子國文教科書 第八冊

第一課 婦行後漢書

女有四行。一曰婦德。二曰婦言。三曰婦容。四曰婦功。夫云婦德。不必才明絕異也。婦言。不必辯口利辭也。婦容。不必顏色美麗也。婦功。不必工巧過人也。清閑貞靜。操守整齊。行己有耻。動靜有法。是謂婦德。擇辭而說。不道惡語。時然後言。不厭於人。是謂婦言。盥澣塵穢。服飾鮮潔。沐浴以時。身不垢辱。是謂婦容。專心紡績。不好戲笑。潔齊酒食。以奉賓客。是謂婦功。此四者。女人之大德。而不可乏者也。

問何謂四行。問四行宜若何。問此四行中可缺否。

第二課

大任胎教列女傳

大任。端一誠莊。唯德之行。及其有娠。目不視惡色。耳不聽淫聲。口不出教言。能以胎教。洩於豕牢。而生文王。文王生而明聖。大任教之以一而識百。卒為周宗。君子謂大任為能胎教。古者婦人妊子。寢不側。坐不邊。立不跛。食不邪味。割不正不食。席不正不坐。目不視於邪色。耳不聽於淫聲。夜則令瞽誦詩。道正事。如此則生子形容端正。才德必過人矣。故妊子之時。必慎所感。感於善則善。感於惡則惡。人生而肖萬物者。皆其母感於物。故形音肖之。文王母可謂知肖化矣。

問何謂胎教。問人生何以能肖萬物。問生子如何。能容貌端整才德過人。

第三課

外戚世家序史記

自古受命帝王及繼體守文之君非獨內德茂也蓋亦有外戚之助焉夏之興也以塗山而桀之放也以末喜殷之興也以有娀紂之殺也嬖妲己周之興也以姜嫄及太任而幽王之禽也淫於褒姒故易基乾坤詩始關雎書美釐降春秋譏不親迎夫婦之際人道之大倫也禮之用唯婚姻為兢兢夫樂調而四時和陰陽之變萬物之統也可不慎歟

問外戚何以能助帝業

問夫婦何以為人道之大倫

第四課

晏子御妻史記

晏子為齊相。出其御之妻。從門間而闕其夫。其夫為相御。擁大蓋。策駟馬。意氣揚揚。甚自得也。既而歸。其妻請去。夫問其故。妻曰。晏子長不滿六尺。身相齊國。名顯諸侯。今者妾觀其出。志念深矣。常有以自下者。今子長八尺。乃為人僕御。然子之意。自以為足。妾是以求去也。其後夫自抑損。晏子怪而問之。御以實對。晏子薦以為大夫。問晏子御妻何以求去。問晏子何以薦為大夫。

第五課

楚野辨女列女傳

楚野辨女者。昭氏之妻也。鄭簡公使大夫聘於荆。至於狹路。有一婦人乘車。與大夫遇。轂擊而折大夫車軸。大夫怒。將執而鞭之。婦人曰。妾聞君子不遷怒。不貳過。今於狹路之中。妾已極矣。而子大夫之僕。不肯少引。是以敗子大夫之車。而反執妾。豈不遷怒哉。既不怒僕。而反怒妾。豈不貳過哉。周書曰。毋侮鰥寡。而畏高明。今子列大夫而不為之表。而遷怒貳過。釋僕執妾。輕其微弱。豈可謂不侮鰥寡乎。欲鞭則鞭耳。惜子大夫之喪善也。大夫慚而無以應。遂釋之。

問何謂不遷怒不貳過。

問楚野辨女何以能使鄭大

夫。慚。

第六課

齊女徐吾列女傳

齊女徐吾者。齊東海上貧婦人也。與鄰婦李吾之屬。會燭相從。夜績。徐吾最貧。而燭數不屬。李吾謂其屬曰。徐吾燭數不屬。請無與夜也。徐吾曰。是何言與。妾以貧。燭不屬之。故起常早。息常後。灑掃陳席。以待來者。自與蔽薄。坐常處下。凡為貧。燭不屬故也。夫一室之中。益一人。燭不為暗。損一人。燭不為明。何愛東壁之餘光。不使貧妾得蒙見哀之恩。長為妾役之事。使諸君常有惠施於妾。不亦可乎。李吾莫能應。遂復與夜。終無後言。君子曰。婦人以辭。不見棄於

鄰則辭安可以已乎哉。
問李吾何以不與徐吾會燭。
問李吾何以復與夜而
無後言。

第七課 齊太倉女列女傳

齊太倉女者。漢太倉令淳于公之少女也。名緹縈。淳于公
無男有女五人。孝文皇帝時。淳于公有罪當刑。是時肉刑
尚在。詔獄繫長安。當行會逮。公罵其女曰。生子不生男。緩
急非有益。緹縈自悲泣。而隨其父至長安。上書曰。妾父為
吏。齊中皆稱廉平。今坐法當刑。妾傷夫死者不可復生。刑
者不可復屬。雖欲改過自新。其道無由也。妾願入身為官

婢以贖父罪。使得自新。書奏。天子憐悲其意。乃下詔除肉刑。溘于公遂得免焉。君子謂緹縈一言。能發聖主之意。可謂得事之宜矣。

問緹縈何故願入身為官婢。

問漢孝文帝何以詔除肉刑。

第八課

師說 昌黎集

古之學者必有師。師者所以傳道受業解惑也。人非生而知之者。孰能無惑。惑而不從師。其為惑也終不解矣。生乎吾前。其聞道也固先乎吾。吾從而師之。生乎吾後。其聞道也亦先乎吾。吾從而師之。吾師道也。夫庸知其年之先後